

Indira Horozović, prof. tjel.odgoja i sporta - Magistarski rad

Fakultet/Akademija	FAKULTET ZA TJELESNI ODGOJ I SPORT
Tip Rada	Magistarski rad
Kandidat, zvanje	Indira Horozović, prof. tjel.odgoja i sporta
Naziv Teme	Povezanost stavova o tjelesnom i zdravstvenom odgoju sa stavovima prema sportu i zdravom načinu života kod učenika osnovnih škola
Rezime/Abstract	Istraživanje je imalo za cilj da utvrdi povezanost stavova o tjelesnom i zdravstvenom odgoju sa stavovima prema sportu i zdravom načinu života kod učenika viših razreda osnovnih škola. Na uzorku od 2085 ispitanika, učenika VI - VIII razreda, određenih osnovnih škola sa područja Tuzlanskog kantona, oba spola, starih 11-13 godina \pm 6 mjeseci, upotrijebljen anonimni anketni upitnik. Anketni upitnik sastavljen je od tri mjerna instrumenta, i to: Skala stava prema tjelesnom i zdravstvenom odgoju, Skala stava prema sportu i Skala stava prema zdravom načinu života, a sadržavao je ukupno 85 pitanja. Na osnovu rezultata povezanosti (Crostabulation) stavova o tjelesnom odgoju i stavova o sportu, može se konstatovati sljedeće: Sve varijable stavova o tjelesnom i zdravstvenom odgoju statistički značajno su povezane sa svim varijablama stavova prema sportu, odnosno zdravom načinu života a ostvareni koeficijent kontingencije je na nivou značajnosti .01. Time su potvrđene hipoteze H1, odnosno H2: očekuje se statistički značajna povezanost između stavova o tjelesnom i zdravstvenom odgoju i stavova prema sportu, i zdravom načinu života. Na osnovu rezultata t - testa za nezavisne uzorke, tj. nivoa značajnosti razlika u stavovima o tjelesnom i zdravstvenom odgoju, sportu i zdravom načinu života između dječaka i djevojčica, može se uočiti da postoje statistički značajne razlike u pomenutim stavovima. Ta razlika ide u korist prve grupe - dječaci, čime je potvrđena hipoteza H3. Obzirom da su potvrđene sve tri hipoteze, a posebno H1 i H2, može se potvrditi povezanost između tretiranih stavova pretpostavljenih generalnom hipotezom H koja glasi: očekuje se statistički značajna povezanost između stavova o tjelesnom i zdravstvenom odgoju i stavova prema sportu i zdravom načinu života. Na osnovu potvrđenih hipoteza se može konstatovati da rezultati ovog istraživanja ukazuju da stavovi učenika viših razreda osnovnih škola prema nastavi tjelesnog i zdravstvenog odgoja, sportu i zdravom načinu života na neki način određuju naviku tjelesnog vježbanja. U tome svakako veliku ulogu ima profesor tjelesnog i zdravstvenog odgoja kada je u pitanju kreiranje poželjnih navika učenika prema redovnom tjelesnom vježbanju i bavljenju sportom. Također, rezultate ovog istraživanja treba uzeti u obzir pri struktuiranju nastave tjelesnog i zdravstvenog odgoja na način da je prilagodimo obavezama i željama učenika koliko god je to moguće.
Datum	25.02.2013
Predsjednik	Dr.sc. Alija Biberović, vanredni profesor za užu naučnu oblast „Teoretsko-metodičke osnove sporta“ Fakultet za tjelesni odgoj i sport Univerziteta u Tuzli,
Mentor	Dr.sc. Dževad Džibrić, docent za užu naučnu oblast « Teoretsko-metodičke osnove sporta » Fakultet za tjelesni odgoj i sport Univerziteta u Tuzli, mentor i član
Član komisije	Dr.sc. Alen Kapidžić, docent za užu naučnu oblast «Sportske igre» Fakultet za tjelesni odgoj i sport Univerziteta u Tuzli, član
Član komisije	-
Član komisije	-
Zamjenski član	dr.sc. Osman Lačić, vanredni profesor, uža naučna oblast „Teoretsko-metodičke osnove sporta“na Fakultetu za tjelesni odgoj i sport Univerziteta u Tuzli
Dodatni detalji i lokacija	25.02.2013. godine u Amfiteatru Fakulteta za tjelesni odgoj i sport Univerziteta u Tuzli sa početkom u 13.00
Završne Odredbe	Pristup javnosti je slobodan. Magistarski rad se može pogledati u Sekretarijatu Fakulteta za tjelesni odgoj i sport Univerziteta u Tuzli, svakim radnim danom od 8.00 do 16.00 sati.